

Ilagiinni Naalagaaffiup tapersersugaanni uppersaatinik nutaanik piumasoqartillugu, atermik allannguiniartoqartillugu, uppersaatinillu tuluttuumik allassimasunik tunniussisoqarnissamut atatillugu 2019-imi januaarip aallaqqaataanit akiliisalernissamut tunngassutilinnut ilitsersuut.

Ilitsersuummi matumani eqqartorneqarpoq innuttaasutut 2019-imi januaarip aallaqqaataata kingorna ilagiinnut uppersaammik nutaanik atermilluunniit allannguiniaruit uppersaatissamik nutaanik piumagaangavit qanoq iliussanersutit. Ilitsersuut manna ilagiinni atornerqartartumut FORMULAR 3-A-mut (Uppersaatinik inniminniineq atermilluunniit allannguiniarluni qinnuteqaammut) tapiliussaavoq, uumalu kinguneraa: *Atuagarsuarni allattuisarneq aamma atinik allannguinermit uppersaatillu ilaasa tunniunnerini akiliuteqartarneq pillugit Namminersorlutik Oqartussat nalunaarutaat nr. 17, 14. september 2015-imeersoq.*

Suleriaasissaq nutaaq atuutilissaaq januaarip aallaqqaataani 2019-imi, imatullu isikkoqarpoq:

Inniminniilluni immersugassap aallaqqaataasumik pinngitsooranilu immersornissaa

1. Pisarnertut najugarisanni palaseqarfimmut ajoqimulluunniit suli saaffiginnittassatit. Tassani qinnuteqaatitut immersugassiaq pisortatigoortoq (FORMULAR 3-A) immersussavat. Uppersaatit arlallit nutarteqqikkusukkukkit, uppersaatit nutartertinniakkat tamaasa immikkut qinnuteqaammut immersugassiamut immersussavatit. Pisortatigoortumik immersugassiamut tassunga suna kissaatiginerlugu krydsilersinnaavat (x):

- Immikkoortoq 1-4-miipput uppersaatissat nutartigassat aalajangersimasut sisamat (kalaallisut allassimasut)
- Immikkoortoq 5 aamma 5b-c atermik allannguissamik kissaateqarnermut attuumassuteqarput (Immik. 5b aamma 5c imarai katinnermut atatillugu kinguliartaarnerup, nammineq kinguliarisap katinnermi atoqqinnissaanut angajoqqaarsiaasullu kinguliaanik kinguliartaarnissamik akiliinissamut pisussaaffiup avaqqutiinnarneqarsinnaaneranut tunngassuteqarpoq)
- Immik. 6-8-mi pineqarput uppersaatit aalajangersimasut tuluttut allassimasussat

FORMULAR 3-A-mi uppersaartit taaguutaasa suussusii immikkoortuni ataasiakkaani allaqqapput.

Ilagiinnit Kalaallinit uppersaammik piumaguit atilluunniit allanngortinniarukku, tamatigut FORMULAR 3-A immersortassavat, tamanna aamma atuuppoq immikkoortup 5b-c-p iluani ilaangitsutut nalunaarfissat marlussuit arlaannulluunniit nalunaarsimagaluaruit.

Atermik allannguiniarluni immersuivissap immersornerata saniatigut immersuisarnissaq

2. Nr. 1-ip ataani qinnuteqaatit atermik allannguiniarnermik imaqarpat, taava atermik allannguiniarluni immersugassaq nalinginnaasoq qaavatigut sulii immersussavat (FORMULAR 2 imalt. FORMULAR 3, atermik allannguiniarlutit qinnuteqaatit qanorpiaq ittuunersoq apeqqutaatillugu).

Nunaqarfimmiuuguit, ajoqip FORMULAR 3-A aamma FORMULAR 2-3 illoqarfimmi palaseqarfimmut nassutissavai.

Akiliisariaaseq, uppersaartissanik nutaanik aallertarneq sullinneqartarnerullu sivisussusia

3. Tamatuma kingorna uppersaammik nutaamik piniaruit 150 kr.-mik akiliisassaateq uppersaartissanik nalinginnaasunik kalaallisut allassimasunik piniaruit, imalt. tuluttut allassimasunik nutaanik piniaruit, imalt. 300 kr.-mik akiliisateq aterminik allannguiniarlutit.

Akiliutit Grønlandsbankimut konto 6471-1002764-imut akilernegarTASSAPPUT. Qaagukkuulluunniit kontantimik palaseqarfimmiuunniit akiliisarnermut atortut terminalit atorlugit akiliisoqarsinnaangilaq.

Ilagiit Kalaallit akiliutigisimasat nalunaarsoreerpassuk, taava uppersaammik piniarnerit atermilluunniit allanngortitsiniarnerit ingerlanneqalissaaq. Atermut qinnuteqaatigisaq akuerineqanngippat, malugeqqarput akiliutit utertinneqarsinnaangimmata, sullissinermit matussutissatut taakku naatsorsuutigineqartarmata.

Sullissinermit naggasiullugu oqarasuaatikkut attavigineqassateq, imalt. mailittut nalunaarutigisimasannut allaffigineqassateq, uppersaateq palaseqarfimmut aaneqarsinnaasoq unnerlugu, nunaqarfimmiuuguit ajoqimut aaneqarsinnaasoq ilinnut nalunaarutigineqassaaq. EQQAAMALLUGU kinaassutsimut uppersaateq assitalik aallertut takuteqqaassagakku.

Suliat taamatut ittut sivisunerpaamik ingerlanneqartarput ullut pingasut tallimallu akornanni.

Uppersaateq allakkatigut nassinneqassappat, naatsorsuutigisariaqarpat ullut arlaqarnerusut aatsaat qaangiuppata uppersaateq apuutissammat.

//